

Min

Min ñabuku Luagêc gêjac min biñ, tañ kêsêp Samuelnê buku luagêc to Kiñnêñ buku luagêc nan, ñakôniñña, mago ñac-keto-bukuwaga gêjac min biñ amboac teñ. Eñ keto lau Israel nêñ kiñnêñ min kêtú ñam luagêcña.

Ñam teñ gebe êwa sa gebe gêñwapac, tañ kêtap gamêñ kiñña Israel to Judaña sa nan, kêtôm gebe enseñ Anôtônê biñ gêjac mataña su atom. Lau ñapopoc, tañ sêngôñ gamêñ Juda nan, sênaña atom, Anôtô êpuc êsêac tôñ e sêngôm ênê biñ ñanô êsa. Ñac-keto-biñwaga taê gêjam Dawid agêc Salomo nêñ gêñsêga ma Jehosapat agêc Heskia ma Josia sêwaka sakiñ Anôtôña sa kêtiam to lau, tañ sêsap Anôtô tôñ ñañêñ, tec kékêñ gêwiñ ñajaña gebe Anôtô taê walô nê lau, tañ sêngôñ gamêñ Judaña nan to êngôm nê biñ samob ñanô êsa.

Ñam teñ gebe eñ gebe êkip sakiñ lôm dabuñña ñam sa ma gebe êwaka dabuñwaga to lau Lewi nêñ kôm ñagôliñ to kôm ñalêñ sa amboac tonanğen gebe lau tau tonan sêwê kaiñ sakiñ omña. Ñac-keto-biñwaga gêlic Dawid amboac ñac, tañ kêtú lôm dabuñ to sakiñ dabuñ toê-toê ñamôkê, tagen eñ tau kékwe lôm dabuñ sa atom. Kôm tonan latu Salomo gêjam kêtôm Kiñnêñ buku gêjac min.

33

Kiñ Manase anğa Juda

¹ Manasenê jala kêtú 12 gêdêñ eñ kêtú kiñ Judaña ma gêjam gôliñ jala 55 gêngôñ Jerusalem.

² En gêgôm gêṅ, taṅ Apômtau gêlic gêjac mataanô ṅjam atom. En kêdaguc lau tentenlatu, taṅ Apômtau kêtiṅ êsêac su gêmunṅ lau Israel naṅ, nêṅ mêtê alôb-alôb.

³ Gebe en kêkwê gamêṅ ṅbau, taṅ en tama Heskia gesenṅ su naṅ, sa kêtiam ma kêkwê anôtô jaba Bal nê altar sa ma kêmasaṅ anôtôo Asera nê ṅkatu to gêjam sakiṅ gêdêṅ utitalata undambêṅa samob.

⁴ En kêkwê altar jaba aṅga Anôtônê lôm ṅalêlôm, aṅga gamêṅ, taṅ Apômtau kêsôm gebe “Aṅga Jerusalem aêṅoc ṅaê oc ênêc endenṅ tōṅgeṅ” naṅ.

⁵ Aṅga Apômtaunê lôm dabunṅ ṅamalaclunṅ lulugenṅ en gêboa altar sa gebe lau sênam sakiṅ utitalata undambêṅa.

⁶ Ma en kêkêṅ nê latui têtû daja aṅga Gaboaṅ Hinomṅa ma gêgôm mectomaṅ to kêsôm mec jaba tokaiṅ-tokaiṅ ma kêtu kênac lau sêmôêc ṅacmatê katuṅṅa. En gêgôm gêṅ secsêga gêmoa Apômtau laṅônêmṅa e gêli Apômtaunê têtac ṅandaṅ sa.

⁷ Ma kêsôm gebe sêmansaṅ ṅkatu teṅ ma kêkêṅ gêṅ tau kêkô Apômtaunê lôm dabunṅ, kêkô aṅga gamêṅ, taṅ Apômtau kêsôm biṅ kêpi gêdêṅ Dawid agêc latu Salomo naṅ, gebe “Aṅga andu tonec to Jerusalem, taṅ aê kajaliṅ sa aṅga Israelnêṅ gôlôacmôkê samob nêṅ naṅ, aê gabe jakêṅ ṅoc ṅaê ênêc endenṅ tōṅgeṅ.

⁸ Ma lau Israel embe taṅeṅ wamu aêṅoc jatu to sêmansaṅ biṅsu samob, taṅ aêṅoc sakiṅwaga Mose kêkêṅ gêdêṅ êsêac naṅ, go aê jalôc gebe sêjanda ṅoc lau aṅga gamêṅ, taṅ aê kakêṅ gêdêṅ nêṅ tamenṅi naṅ, êtiam atom.”

⁹ Manase kêtim lau Juda to lau Jerusalem e sêgôm sec sêlêlêc lau tentenlatu, taṅ Apômtau gesenṅ êsêac

su ma lau Israel sêlic nanj.

Manase gêjam tau ôkwi

¹⁰ Apômtau gêlênj binj Manase to nê lau kêsa propete awenjsun, mago êsêac sêkênj tanen atom.

¹¹ Kêtu tonanña Apômtau kêkênj kinj Asuriaña nê sinwaga nênj laumata mênjsêgauc Manase ña lêngêc to sêsô enj tônj ña kapoacwalô ma sêkôc enj sêja Babilon.

¹² Enj kêtap ñandan sa, go awa gêjac Apômtau, nê Anôtô gebe taê walô enj êtiam ma kêkôninj tau ñanôgenj gêdênj tamainênj Anôtô.

¹³ Ketenj mec gêdênj enj, go Anôtô kêkôc ênê mec sa ma kêkênj tanja ênê tanji e kêkênj enj kêtu kinj anja Jerusalem kêtiam. Tec Manase kêjala gebe Apômtau tau enj Anôtô ñanô.

¹⁴ Ñasawa tenj acgom, go kêkwê tunjbôm tenj sa kêkô Dawidnê malacsêga ñamagê gêdênj ñamakenj oc kêsêpña kepenj Gihonña, kêdaguc gaboanjenj e jagêdinj kêsô “Katam Inja”, tec kêgi Opel ma sêboa kêpi e ñênjenj gêja. Go kêkênj sinwaganênj laumata jasêngônj têtôm malac ñatunjbôm gamênj Judaianna samobgenj.

¹⁵ Ma enj kêkôc anôtôi jaba to nênj ñakatu su anja Apômtaunê andu to altar, tanj enj gêboa sa anja lôc, tê Apômtaunê andu kêkô nê, ma anja Jerusalem tau nanj, enj gêjac samob sa ma sêbaliñ sinj kêsêp malac ñamagê gêja.

¹⁶ Enj kêbênôc Apômtaunê altar kêtiam ma jakêkênj da wama to da danje ma enj kêjatu Judawaga gebe sênam sakinj êndênj Apômtau, Israel nênj Anôtôgenj.

¹⁷ Lau sêkênj da anja gamênj ñabau ñagêdô gêwiñ, mago sêkênj gêdênj Apômtau, nênj Anôtô taugenj.

Manasenê gôliŋ gêjac pep

¹⁸ Gêŋ ŋagêdô samob, taŋ Manase gêgôm mec taŋ eŋ ketenŋ gêdêŋ nê Anôtô ma biŋ, taŋ propete sêsôm gêdêŋ eŋ sêjam Apômtau, lau Israel nêŋ Anôtô lanô naŋ, teto sa samob gêc “Kiŋ Israelŋa nêŋ miŋ” ŋalêlôm.

¹⁹ Manase nê mec to Anôtônê ŋagêjô, nê sec ŋalêŋ, taŋ eŋ gêgôm gêmunŋ gêjam tau ôkwiŋa naŋ, ma gamêŋ sakiŋŋa to anôtôo Asera nê ŋakatu, taŋ eŋ kêmasaŋ to anôtôi jaba samob, taŋ eŋ gêjam sakiŋ naŋ, samob teto sa gêc “Propetenêŋ Miŋ”.

²⁰ Manase gêc nê bêc gêc gêwiŋ tamai ma sêsuŋ eŋ aŋga nê andu kapôêŋ ma nê latu Amon kêtü kiŋ gêjô eŋ su.

* kêtiam atom.

* **33:20:** Buku luagêc tonanŋ taŋô ŋaêgeŋ, ŋanô tau gêc

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 18 Apr 2025 from source files dated 31 Aug 2023

447e01c5-a375-5452-ae54-b3f890293eeb